

---

## FUNDARGERÐ

**Fundur:** 77. fundur Starfshóps um rekstrartruflanir.  
**Fundartími:** Miðvikudagur 20. mars 2002, kl. 13:00-14:40  
**Fundarstaður:** Rafmagnsveitur ríkisins, Rauðarárstíg  
**Fundarefni:** 1) Gögn ársins 2001.  
2) Handbók um skráningu truflana og Nordel handbók.  
3) Breytingar á skráningu.  
4) Kostnaðarskipting.  
5) Gæði raforku.  
6) Önnur mál.

---

Á fundinn mættu:

START: Helga Jóhannsdóttir  
Gunnar Haukur Gunnarsson  
Steingrímur Jónsson  
Ragnar Emilsson  
Kristín Haralda Cecilsdóttir  
Verkfræðistofan Afl: Jón Vilhjálmsson

- 1) JV sagði að búið væri að fara yfir gögn frá Landsvirkjun, Orkuveitu Reykjavíkur og Norðurorku. RE sagði að skráningin væri nánast tilbúinn hjá Orkubúi Vestfjarða fyrir yfirferð og ætlar hann að senda JV skýrslurnar næstu daga. SJ sagðist geta sent skýrslur Rarik fyrir páska. JV lagði til að hann mundi senda sér nokkrar skýrslur til yfirferðar fyrst þar sem í ljós hefði komið hjá öðrum að þó nokkuð væri um villur vegna breytinga í skráningunni. Ákveðið var að JV og HJ ræði við Hitaveitu Suðurnesja um þátttöku í þessu starfi.
- 2) JV sagði að Nordel handbók væri komin í endalegri útgáfu og væri á heimasíðu nefndarinnar. Hann dreifði dæmum fyrir íslensku handbókina og fylgja útfyllt eyðublöð með. HJ vildi setja inn truflanir frá síðasta ári varðandi seltu sem ræddar voru rækilega í tengslum við yfirferð á skýrslum. HJ ætlar einnig að send JV lista sem þau hafa sett upp varðandi dæmigerðar truflanir og mun JV þá setja það inn í handbókina. JV afhenti HJ einnig möppu með

töfluskilgreiningum úr START kerfinu og báðu aðrir um að fá slíkt einnig. Allir ætla að huga að dæmum sem þeim þætti gott að fá inn í handbókina.

- 3) KHC sagði að oft væri ekki skýrt hvernig ætti að skrá skýrslur og vildi hún bæta við fleiri svæðum á eyðublöðin til að skráningin væri meira lýsandi. Hún vildi t.d. gjarnan sjá “Strengur” undir “Götuljós” í einingum og orsök sem væri “Endurnýjun”. Hún sagði að þau væru að velta fyrir sér þessum þáttum hjá OR og er stefnt að því að vera komin með tillögur fyrir næsta fundi. SJ vildi sjá “Röng vinnubrögð” í “Undirliggjandi orsök”. Einnig vildi hann sjá “Dreifispennir” undir “Jarðstrengur” og tók RE undir það. Ákveðið var að fara betur yfir þetta á næsta fundi. Ákveðið var að halda fund með skráningaraðilum á þessu ári (síðasti fundur var í nóvember 1999).
- 4) JV sagði að kostnaðarskiptingin sem rætt hafði verið um á síðasta ári stæðist ekki þar sem veitum hefði fækkað auk þess sem Orkuveita Húsavíkur hefði ekki svarað því hvort þeir muni taka þátt í þessu starfi. Hann dreifði nýrri skiptingu sem byggð er upp á sama hátt og lagt var til á síðasta ári. Fundarmenn ætla að skoða þetta og láta JV vita.
- 5) Ekkert nýtt hefur komið fram varðandi gæði raforku.

Fleira ekki gert. Næsti fundur 17. apríl 2002

Jón Vilhjálmsson

Dreift var á fundinum: Dæmi um skráningu fyrir handbók. (JV)  
Töflur með tillögu um skiptingu kostnaðar við Start  
hópinn. (JV)